

小雲棲

一二

和書門	
二六六四二號	類
七四函	類
一二架	類
六册	類

庫文閣 ²⁷⁸ 丙	
二六六四二號	和書
六册	類
二二架	類

詩文

內閣文庫	
番號	和 26642
冊數	6 (1)
函號	205 228

205-228



幾章文庫

蓋嘗聞文與道升降。道与世汙隆。
我東方則然乎。神代邈矣。自都檉
原而降。其道也神。其文也侏。西夏东
漸。迄既混雜。侏離亦相半。自造唐
晋學之制起。頗知文之不專侏。雜管紀
橘都之倫。由此乎。邈也。然而知效李

502-558

唐而不知李唐治襲六朝靡儼駢偶
之習。何況秦漢以上。則我不知其升
者降耶。抑其隆者汙也。保元以來。皇
維廢弛。鍾倉氏霸於閩東。而武弁
是覓。侏髡之文。濟美當世。而經世不
與焉。肉食者不學。而不及修文。於是

立誠之役。使不立字家儼然握其柄。而
顧其成也。直不專耳。是亦侏髡也。及物子
唱業於東都。一時豪傑從而和之。四方
靡然嚮風。政觀令學者屬辭以事。求
變乎夏。則物子之功。豈不偉而大乎。
唯其求變之急。卯之時。彈之炙。不能為

累。則謂之全夏抑未也。若少物与名
當。事與義協。倭自倭。夏自夏。並行而
不相戾者。即全夏之業也。字子有緒。而大
典禪師善鑽之。觀其著述可見已。噫。
古之學者身遇遺唐。尚學之盛。出庠
黌登臺閣。而如彼。今也在庶士之與僧流

而如此。則雖不當經世。每乃降者即升。而
汗者即隆耶。禪師之所摠集而刻成。
以序屬余。觀其文溫雅純粹。其詩和
諧清麗。而天機活動以翰旋之。猶丸之
轉盤者。乃其道之所致乎。余雖不文也。有
見東方之文全乎夏者。自字子与禪師。

則其所不敢辭也

安永乙未夏六月

越後片獸謹撰



[Faint bleed-through text from the reverse side of the page]

小雲棲稿目錄

卷一 五言古詩一百二十首

卷二 五言古詩八首

七言古詩六首四十首

卷三 五言律詩八十三首

卷四 五言律詩一百四十五首

五言律詩九十二首

卷五 五言排律十五首

卷六 三言詩話一百二十二首

小雲棲稿

目

卷七言律詩一百二十三首

卷四言律詩十五首

七言律詩二十九首

卷五言絕句一百四十七首

卷五言律詩八十三首

七言絕句一百四十首

卷六言律詩八首

七言絕句一百三十首

卷七言律詩目錄

賦一首

序二十首

卷八言律詩

傳二首

記八首

卷九

碑碣銘四首

論三首

說八首

卷十

銘箴十二首

哀文三首

跋五首

雜文四首

卷十一

書二十七首

卷十二

書二十四首

目終

小雲樓稿卷之一

淡海 竺顯常大典 撰

五言古詩

贈福百鍊

負_レ痾_ヲ次_ニ城_邑坐_然星斗遷_レ淒風響_ニ戶牖_ニ正是九月天
 室家將_レ塞_向衣服欲_レ裝_綿志士多_レ西_感出門望_レ逝川
 問_閭非_余宅_良賴_{主人}賢_{主人}遇_余厚_延我_偃後_軒
 野心辭_盛膳_交淡_宣幽_玄三_宿恥_桑下_一枝戀_林邊
 逝_將挈_杖鉢_寂聞_老林_園脫_有葆_真念_一來_問白_蓮

藤景和之市逢賣禽者其情可悲曰買雀數十
歸而放諸我庭

大塊生萬物細大命乃爾胡為恣口腹害物仍奉已
啾啾野雀兒林藪知所止網羅一以臻群飛受係累
調羹饗食客處炎樂歌妓舍彼墜命哀耽此飲燕美
三世有冥報冤恨固相視愛君能好生免其殼鯨死
戚戚在樊籠翩翩歸故里嗟嘆殺與活樞機實自邇
幸君擴斯心大悲同開士

贈片孝秩

維昔宇夫子舉世目狂狷伊人晚升堂翫辭受清眇
予尔多雅思搗滌知所棟幽懷被山水楚咻烏得變
玉軫鏗已絕欲理屢予眷樂託一世中旌招非所羨
逸翮騫天風縹緲不可見

將赴堅田早蒺山端道異香起途中作

出門何所之秋風寒北路殘月懸西林獨往自成趣
仰瞻河漢星俯躡芑叢露

其二

行行隨月影惜爾將西傾西傾猶未沒山壑轉吾行

輪光不可見且步殘夜明

其三

昧爽不逢人言循鳥溪水索迴數十程濺濺鳴不已
宿鳥出山村簇簇炊烟起

其四

晨烟被翳蒼跋涉路逾難朶朶當峰面朝陽浮樹端
碩此行道子兩袖一何寒

其五

秋花披野艸浥浥露未晞尋路逢樵叟山深或恐迷

如見雲居客碩言且共棲

七言古詩

千日行

浪華城南千日路千日千喪車不住靈旒陰燈相逐
來城中何日無啼訴都來風俗學茶毘膏火臭烟從
風吹烟飛火盡神魂散白骨和灰積如陂君不見浪
華繁華歲轉周便隣千日起朱樓朱樓日日歌管起
豈知倏忽歸瑩丘樂莫樂兮樂歌管哀莫哀兮哀瑩
丘哀樂糾繩有相待可憐世俗迷無悔實田富貴竟

銷_レ亡_レ衛霍功名今何在_二別有邪侈不顧人_一唯言何以
利_レ吾身共待百年長_二羽翼俄聞一旦委_レ灰塵笑言朝
啞_レ顏頰暮浪浪不以無涯知_レ能留有限身身有限
兮誰不識情去情來自罔極貪夫徇財烈士名浮世
栖栖徒促逼嗚呼我有不生不死之至靈胡不踈濯
至寧馨千日路千日路春風依舊草青青

送維中師歸長崎

吾聞瓊浦濱西接中華若比隣旦夕婆娑閩越客麗
都雜遝萃瓌珍吾聞仙臺城搏衆之東極海瀛松嶋

碁置天池裏霞蔚雲興觀者驚吾病蓬蒿徒徘徊無
緣飛錫與渡杯宗慤長風還有意許詢濟勝自無才
去歲見君伏水間自言瓊浦是鄉關今年又向仙臺
去萬里東西輕往還憐君足跡遍山川憐君杖鉢脫
牽纏海月山雲看不盡杳如鷗隼在秋天挾袂冷然
問余棲復將拂衣歸海西殷勤好去男兒志至竟何
曾在_二逕_一

伏水新歲作

吾道南北復東西飲啄爭如彼野雞不繫唯知舟泛

泛無歸那問草萋萋去歲迎春江國傍今年伏水寓
禪房禪房初不心期到院曠人稀得徊翔忽報春回
我未知繞簷鳥雀故差池春薜且傾一二碗寒梅乍
綻兩三枝踈懶未曾記曆日年華寧復妨安逸僧家
俗客少逢迎野老時來賀初吉遲遲旭日挂東林林
下神祠擊鼓音雜僧奔走欣春事禪客取次作春吟
憶昨京輦混緇流春去春來事不休窳落祇今分溝
壑却將往事付東流逐暖尋芳過畧徇春風教我興
多著衣敝仍耐寒氣遮髮長只任僧容惡從來斯地

勝槩開千樹有桃千樹梅梅花桃花相次發願余浪
跡焉往哉

清靜行贈孝秩

君不聞貪夫狗財烈士名是名不識是何名營營一
世誇聞達誰遊大人成大名如君大名亦不狗百年
寵辱無然驚身在閭閻心太遠當堦卉木判幽清乃
以清靜顏其室萬卷圖書將送生時汲江流煎活火
盃中芳綠湊以盈啜之雋永涼腸胃况復松風滿座
鳴君隱如陶不愛酒祇宜三徑使僧行君之清靜得

其_レ所_レ論_レ文_レ論_レ道_レ不_レ負_レ情_レ長_レ夏_レ下_レ帷_レ無_レ客_レ到_レ道_レ遙_レ為_レ我_レ
煮_レ雲_レ萌_レ飲_レ罷_レ試_レ拈_レ銀_レ不_レ律_レ好_レ向_レ千_レ古_レ掇_レ精_レ英_レ

福百鍊片孝秩葛子琴皆好樂能之首夏日為

余相將舟遊傳法合奏諸曲上下清波使余別

船聽之激賞不翅賦詩酬之

吾昔浪華久滯留滿城詞客足交遊于今方外盟不

渝幾回乘興激水流四月維夏天正晴佳期携我出

江城金管玉笙仍簷葉為我一奏乾坤清萬歲還城

次第聞悠揚逸響遏江雲雙舟相逐離還合渺渺長

江天不分此曲由來廊廟傳何圖皦皦在舟船我非
周瑜能知誤唯聽桓伊弄弄連自是君輩青雲姿風
流不肯事堯離陌上絃歌徒紛襍少年遊冶日追隨
何如傳法幽閒所風流祇屬支與許誰道大音在希
聲不識返聞聞轉著夕日西懸風稍悲重向悲風一
合吹便欲翻作魚山唄不才愧乏子建詞
八奴行并序

四達俗作藤公家有奴名八介有口伎諸鳥獸之
聲無不為也又嘯為箏篳為笛或飲水四五升噴

羶數十頃間或在驚人耳目善俳諧甚利捷然曾
無便佞阿諛態有請伎亦無遜謝容嘗出入掖庭
奏伎簾前以故名滿輦轂性蕭散口不道是非出
入不期亦不廢公務好惠施人不欲言謝平居短
皂服腰一刀人與之衣稍長立判斷之夏夜則放
身寢渠窪間不畏風露其行事多異人者一日使至
相國余始得見其伎徙倚院中為鴉鳴尋為貓為
鼠又為犬吠曲彈種種狀已而為村婦牽牛牛鳴
與村歌相答又使為篳篥則嗚嗚然殆一闋頃頗

為宮商使聞者爽然自失頃之復為數聲鳥浴樹
循牆不辭而去其進止類如此

人間伎能千萬數怪爾口材獨無伍衆音雜選一脣頭
將謂能言有鸚父露髻腰刀短後衣不關世事是兼
非儵然來止祇林地便作鳥聲鳴欲飛犬兒交吠短
牆外復聞貓鼠發危機君不見大原八瀨芹生阿村婦
驅牛行且歌忽訝嘔啞簷隙起旋疑敲鯨堂下過秦寺
龍吟何足比函關雞唱未湏多別有秋風篳篥哀悠
揚呀引夕陽催千載蘓門想高嘯玄真或恐在輿僮

人間技能果何用，好將諧謔稱樗材。我非公冶通禽語，揮筆祇當為爾裁。只惜不翻新詩調，鵲鵲鴉鴉歸去來。

五言律詩

予客浪華主福居士家聞中從之居士與聞中有唱和之什予亦次韻以贈

論交非世態，寧復問踈親。白社從心寂，紅塵諳境真。床逢衣始授，鼎進穀方新。因到毘耶室，更知醫國人。偶作示聞中

遠去拌踈放，東西爾獨從。風霜侵毳衲，江海信萍蹤。何得買山隱，空為吟澤容。殘生唯應量，無意事甘醲。遙奉題大聖入道女王隨時亭

聞道華亭外，治園賞自偏。成蹊知幾處，移樹向何邊。花發曾過路，月臨舊上筵。應知江海跡，不是曳裾前。宿聖恩寺贈默初師
舟行風雪苦，入夜叩栖禪。香茗圍爐坐，更鐘擁被眠。病生虛榻日，交態實忘年。清曉著衣去，復依豆粥前。病中歲暮

臥病滄江遠，蕭條歲亦除。吾生終蠖屈，此地也鳩居。
倦枕傳更鼓，殘燈對藥爐。自非風氣慣，一倍嘆歸與。
杪冬與聞中，俱臥病戎洲。

天風吹歲暮，牢落一茅堂。枕席憐同病，衣盂寄異方。
性偏違薄俗，計拙笑空囊。待取青春至，相攜綠艸塘。

戎洲元日

北客江城側，東風水郭濱。雞聲五更曉，人語四隣春。
時態身云佚，雲遊歲復新。野梅兼陌柳，此日轉相親。

其二

歲華隨病懶，人事儘推移。檐雨兼春至，爐香與日遲。
烟籠叢竹綠，風引弱楊絲。清曉休禪誦，開軒散題詩。

和聞中病中作

去歲京華寺，今春海國亭。詩從閒裏長，年奈病中經。
梅蕊和頭白，柳條入眼青。憐君猶少壯，慎勿處冥冥。

偶作示聞禮二子

誰言栖息所，宛在水中央。中洲閉戶寧，關學著書非。為愁
出塵元逸足，處俗且虛舟。飲啄終何索，吾心向一丘。

喜默初見訪

來尋水一方不厭溯游長松月談相得主賓坐自忘
空齋踈世味深戶靜年芳留爾永今夕歸期勿太忙
曉看庭前櫻花

穠花夜來雨春意未言闌開戶徘徊久當軒爛熯看
露垂芳纈未風拂嫩英端空色元無礙真成眼界寬

早春偶作

旅寓雖人境養病頗亦宜心閒還應物身瘦豈因詩
吟向花更發坐從日漸遲年華隨處好挈杖欲何期
葛子琴刻余印見惠賦謝

豈曰彫蟲小金刀贈我情文從秦碣勒色膩刻藤明
紫綾非關貴碧雲或認名因君成麗藻擲地不須聲

偶作

不是牆東隱由來世外心閒門關永日清磬響空林
窓濕黃梅雨庭昏綠竹陰四鄰人境近愈見絕招尋
太田叟得小荷種栽以盆始花纖艷可愛為題

此詩

紅荷何處種徑寸似珠明圓蓋成陰小新香逐吹輕
移盆堪細翫注水覺仍清不羨華山上虛傳十丈名

與聞中遊雙林靈山清水諸地煮茗

杖鉢非時態遨遊且爾俱攜瓶下溪澗藉草當氍毹
訪古情何遠避人興自殊淹留相啜茗落日向山隅

九月得鐵團師信手製烏紗帽見惠賦謝時余
亦製鵲髦衣

故人勞剪巧寄贈天之涯鵲髦披相得烏紗著更宜
恰逢授衣日豈謂挂冠時偏稱幽棲者徜徉只自知

與聞種二子携茶具遊東岩藏

林壑縈紆幾幽尋偶自來岩懸開士座雲匝法王臺

鳳闕千門迴鴨川一帶迴遨遊合吾道到此興悠哉

其二

攝衣躋絕嶮植杖眺寒空濟勝吾元具登高爾且同

茶烟連夕靄松子落天風更欲尋幽閒林巒從路通
與諸子約登東岩藏罷遊清閒寺

東山休著屐逸興此堪乘紅葉埋深迳蒼苔滿古陵

清遊攜社客往事問山僧不是幽尋侶淒涼更可勝

十月自洛東移寓伏水聖恩寺

閭閻難久住練若信宜人正就南方暖况逢東道親

寒園來野景，叢竹隔途塵。原上梅千樹，枯藜好候春。
訪大用寓甘南備寺時有警戒之修

古寺知何在，溪村問路過。舊盟尋物外，遊跡在山阿。
中夜松風徹，千岩霜氣多。看君禪誦處，三聚更無他。

和聞中雪中作

郊原雨雪連，竹寺轉蕭然。遠愧熊峰立，却思鰲店禪。
白銀開刹界，寶網下諸天。最好閒生計，芳茶此共煎。
同聞中懷默初

舟帆幾時到，千里杳無聞。頻候青松偃，空過白日曛。

彌天勞矯首，累月耐離羣。伏水梅開處，年華會共君。

歲杪敬上人，自五雲峰見歸。訊余時臥病，作此

謝之

萍水雖無定，投閒此送年。枯禪一床置，真氣五雲連。
容我荒疎慣，憑君惠愛偏。人間方憤鬧，誰謂獨談玄。

除日立春

忽看春已至，彌覺歲尋除。但信三陽逼，奈斯半日餘。
新新催老病，念念送居諸。贏得囂塵遠，焚香坐湛如。

其二

臘窮餘白雪，節晦屬青春。風入園梅綻，歲隨城鼓頻。
殘寒留鶴髮，新浴著烏巾。肯要衣盂滿，擾擾彼有人。
正月十一日夜夢遊一山房清閒可愛主僧留
歡即事賦五律一首既覺唯記池靜雨頻下林
空七字卒然足之

問訊知何處，禪房住翠微。焚香雲與繞，對榻客相依。
池靜雨頻下，林空鳥乍飛。幽栖有如此，便好夢中歸。
野橋圖

一道任西東，何須去哭窮。霜消人跡盡，沙淺浪痕空。

不亘都城上，只橫郊野中。吾欲題詩句，非關駟馬通。

遊嵯峨

浪跡多閒暇，林郊行接連。樓臺臨絕壑，村巷帶長川。
綠長千山樹，青生五月田。悠然離憤開，孤杖此周旋。
肥前智雲上人遊京見碩菰廬尋將西歸賦以
叙別

不是相求氣，烏能千里逢。新知樂難極，遠別恨何濃。
弘教才堪用，論交朋可從。津梁如未疲，重為枉高蹤。
世肅見送池田炭為咏

丁丁何處伐名價爾還高輪輻疑奚製胼胝似禹勞
炎光含土鏗春氣上田袍此日多生計誰將冰氏號
有事赴伊勢曉度澁谷

客行堪自嘆何事為久忙殘雪寒山底流澌古道傍
啼禽飛曉日宿霧帶幽篁琶水漸看近情來何獨鄉
藤秋卿伊賀侯大夫也余之洞津也始得相見

別後寄詩見懷酬之
相知存目擊何啻蓋能傾語默從禪意詩篇薄宦情
遠公非結社龐老或追名回首昨遊處春風幸寄聲

余與聞中居理即院欲待鐵團圖經營未至昨
得信報聞中當以今日至喜而賦示聞中

久矣吾懸榻遙遙難可知清晨占鵲語落日候蛛絲
原上音回到天涯會正期祗園已方幅經始不須疑
翰林管公見過邀遊水亭有詩奉答

誰言簪紱貴來作華門遊雲林甘落莫翰墨見風流
青山看不厭碧水遊無休且進薄沓飯焉得當淹留
與渡村二子携茶具遊溪上

深禪出關少為爾起吟行草坐隨涯轉茶烟逐吹輕

山光分夕色，人語雜溪聲。相送橋頭去，何惟陶陸情。

謝敬上人見訪艸廬

乍候真人氣，松門散寂寥。杖藜勞僻遠，下榻咲團焦。情話宵何短，睽離日幾消。相供但茶笋，幸得一道遥。

十六夜新居待月同聞中賦

林野進風涼，相携坐草堂。雲間窺兔影，松際待蟾光。削跡過三歲，卜居在一方。非關人代變，寂寞別為鄉。

詠山茶花

紅白山茶樹，新花九月開。乍欺林上葉，更先嶺頭梅。

光訝赤城起影疑，貝闕來况逢搖落候。青綠映成堆。

送木牧生歸博多

相逢即相別，迢遞向滄溟。朔雪侵衣白，鄉山入眼青。禪開千古窟，使憶一池星。自昔稱洵羨，恨不共揚舲。

與友人携茶遊糾林有懷往事

萍水相逢處，糾林復此遊。煎茶心且適，藉卉境還幽。屈指親知盡，回頭歲月流。但看川上色，逝者竟無休。

小集得戶字

香臺霜後月，詞客來敲戶。下榻燈相照，懷人梅未吐。

浮名有是非尚友無今古
擗藻吾何敢閒吟只倚柱
春日詣聖息寺途中值雨使聞中先走得乞傘
屐來要遂投宿爲贈默初
連城三十里衝雨路猶遙
不得青衫避幸逢白傘邀
簷溜繞禪室林霽入春宵
相對傾茶碗安然興自饒
送大海上人之江戶上人去歲自江戶歸于勢
尋周旋斯地者再矣時雲母造營新成故期在
來茲云

洛下春將冷而君獨向東
烟花一別後芳樹千山中

雪色開喬嶽潮聲起晚風
禪宮日輪奐三會莫令空
中納言菅公有令子之喪也枉駕草廬薄供奉
慰辱賜一詩次韻

聞道情鍾處蕭條春日長
迴心求貝葉觀世問津梁
幻相沈珠影真空滿月光
山厨足禪悅庶用慰中腸
首夏世肅携余遊中川氏別業岡公翼來會分
韻得虞
扁舟維港口步步出街衢
山色開軒迴風光負郭殊
騷盟容逋客詩境從奚奴
只尺囂塵遠悠然臨草蕪

又得支韻
園亭誰獨樂良會却於斯
玉案詩中贈紫英庭下披
遙岑雲藹藹平野麥離離
萍水元吾道盍簪聊與期
送筒元慎歸洞津兼寄秋卿琢卿
京城多結客爾獨問招提
松月無端別庭闌不可睽
歸鞍秋色遠荒野白雲低
到日將同社相思一寄題
伊勢高輓餽海苔為咏

海門風日霽采采碧波開
綠髮知新沐青氈非舊裁
生隨水底暖暮逐潮痕回
遠道逢相遺伊蒲為爾催

送雅宗師

東來一條錫保社此相依
香積朝淘米檻泉時澣衣
白雲應興盡紅葉逐行飛
努力參玄日莫令烏兔違
聞中見訪時在鷹峰

豈少高山思朱絃耐獨彈
苔蹊君自諳萍水客相看
白屋炊烟細青松晚氣寒
玄談未云已還送岫雲端
對雪

寒曉坐軒楹雪華心賞清林
無一鳥響園有千花明
人絕埋初地日升敞化城
閒來堪試茗且起煮瓊英

理即和尚新構堂宇告成乃以閏十二月立春
後消日移住聊短述伸賀

不須經始亟新住屬新春窓額臨丹澗檐牙拂翠筠
雲霞匝淨刹鐘鼓鳴清晨更見遷喬鳥嚶嚶自可人

惟宣上人同子玄見待有詩次韻

山端出蘿薜洛下傍樓臺紫陌迎新柳紺園對落梅
座移慧遠漏社異陶潛杯只尺孤雲影不妨時往來

藤二君枉駕山端有命賦詩分韻多字時余外出君特見埃故及

竹院忽經過奈斯索莫何飛雲遠轍跡流水入樵歌
春服花容麗秋毫霞跡多喜君才思長高唱對禪和

又得芳字

公子多高興沿川到艸堂林中元避俗雨後好探芳
煮茗僧供薄論文儒雅長非緣遺絃冕誰復問清狂

理即西陞遷營艸堂四月二十日移居

此日徙玄關已知一段閒栽松稍開徑洗竹更看山
涼吹簾帷外鳴湍几席間自慚常道者移舍又何顏

登平派山北岡親戚墓在焉

十年還故土，孤錫奈龍鍾。溪路迷新漲，松林認舊蹤。
荒墳無客吊，殘碣有苔封。絕頂空延竚，蒼茫湖水容。

早雪

清晨禪誦罷，飄瞥見天花。素影連林外，寒光動水涯。
暖烟含野樹，曠日上山家。未足埋初地，誰能乘興遲。
春雨過訪，願神和尚留賜佳饗。

雲林跡雖異，故舊尚溫存。芳艸過前徑，脩篁到後門。
清風生茗味，遠物入盤飧。蕭瑟檐頭雨，淹留忘日昏。
仲冬詣淨妙菴，遇蘭溪大方二師，時雨且溫。

有事尋朋好，居然岩谷遊。林禽人到起，溪樹雨過幽。
至後寒如薄，閒中晷稍脩。清供逢二妙，談笑坐爐頭。

龍安寺池咏鷓鴣

彩羽乘寒候，滄池涵太清。織如機上出，粧似鏡中明。
波送雙雙影，林含曼曼聲。由来依淨域，罪報莫言生。

詣字先生墓

伊人不復作，四尺傍邊維。身後誰能淑，世間竟見遺。
猶懷丹旆路，空撫碧苔碑。寂寞文章事，千秋君自知。

立春前一日聞中邀余供給是歲雷岩和尚歿結及之

瓶梅春已滿爐篆坐彌閒獨奈推遷日悵然雙樹間
暮入浪華過江戶港前送橘時中之石見處屈
指五載而時中既為故物矣慨然而作

茲地昔相送揚舲君遠行如何千里別終作九泉情
逝者流川色哀哉隣笛聲獨憐衰朽客尚憶白蓮盟

世肅家與公翼子琴同賦得昏字

盍簪開白社並坐送黃昏授几分燈影推窓窺月痕
園隨春會友家憶曉鳴猿客况回君慰操觚細討論

彼安道招社友會予尔欲往以疾不能追簡安
道

暇日憧憧思風騷實有隣新營迎客穩安道新古玩

命題均座客各賦不請將為友無堅奈此身俱用佛語想

君良宴會秉燭惜芳春

雨中訪孝秩

不嫌泥濘路保社來相從堦長觀音草檐低羅漢松
病同居士室老愧野僧容雖有歸與嘆悅君倒屣逢

世肅新築已成東軒即日為余設席賦贈

登登功半就，牖戶啓斜陽。何十同人野言躋，君子堂

仰梁輪奐得，曳石襖乃長。壁上重重架，仍看幾縹囊。

孝秩設茶，見招同諸子賦得靜字。

為是啓玄關，共尋揚子靜。青松釜底風，紅藥窓間影。

甕賞梯油名，水注用瀨杯知桑落境。獨醒吾乃由別

得殷勤，請佛家有別請事借用。

題子琴御風樓

樓上纔函丈，徜徉可御風。湖海豪元得，星辰夢或通。

小牖吞千里，大川浸一空。思君文史趣，都在去梯中。

余在福承明家，三月晦日承明邀孝秩諸子與

余供茶，同賦得門字。

江居留直，襖舊好且過門。閒話同茶味，清齋異盞食。

莓苔肥宿雨，躑躅映開軒。况值風光別，莫辭天欲昏。

余在浪華將歸也，諸子要遊江水，各攜厨具，奏

笙管，懽甚，作此謝之。

朋好能憐我，來朝率水涯。誰嫌食無肉，寧道竹如絲。

厨具俱呈羨，辰良何負期。江上自為客，歡樂始於斯。

余將西歸，阻雨在孝秩合麗王料，余未蒞，見訪

且攜浦田生始見主人留待同賦得依字

朋好每從思胡為見爾稀衝泥欣忽到作賦喜無違
自識揚亭寂莫令阮屐歸新知且須樂投轄共依依

又得窓字孝秩號

多君故相訪風雨暗滄江非駐金環六安看白壁雙
檐溜匝獅座日午報雞窓自有清齋給無論北海缸

子琴見過與孝秩同賦得衣字

青山徒曰歸愧以病相遠聚落容禪榻風塵奈忍衣
題詩再佳會談理一清機爰靜觀為主未須歌式微

與孝秩子琴分題賦得一爐香

博山生一穗正與鼻根通座繞紘紘氣窓流裊裊風
六銖將拂石小篆乍書空不見灰心處都歸本寂中

本寮用香
巖童子語

贈高孺皮

清居稱齒齒往往不妨移鍾鼎真從好圖書獨擅奇
才名兼吏隱典實悅朝儀尚古風流在搜尋庶勿遺

遊鹿苑寺贈栴禪

萍水十年別花宮問舊遊秋雲浮傑閣夕日澹高丘

白髮驚池面青山慣杖頭為君容獨往倚檻足淹留
福居士宅木世肅來問俱賦

一水幾還往金蘭情不疎文成奇貨外華落妙方餘
投辭才相似披裘病自如良宵為邂逅不樂歲云徂

季秋城中即事感橘福二生於余誼厚贈之

三秋仍寄食萍梗遂如何市井新知少江山故態多
鷓鴣棲未定蟋蟀歲云過為是君情厚採芝懶作歌

小雲樓稿卷之一

小雲樓稿卷之二

淡海 竺顯常大典 撰

五言律詩

將赴浪華逢雨過西村氏留以供養講余煎茶
訣率有此贈時庭下山茶正花淡紅非凡云是
禁園所出者

一夜京城雨難登澱口船踟躕孤客意繚繚主人賢
瓶水南隣挈庭花上苑傳憐君甘恬淡茶薺愛逃禪
麗王自浪華來京緩一日之歸枉十里之遠既

乘剡興更惠郢歌余未能報下澱舟中吟誦次

韻四首

郊原春雪後林岫暮雲端不憚招提逖那嫌衫袖寒
窮交足可喜並坐膝聊安淵雅誰能比也堪三昧看

其二

理即門前煎茶
施行號壩口亭

緣生無適莫岩穴且為家忽引溪舟興敢令岫幌遮
山厨勞晡後野菜洗泉涯壩口稀行客欲煎特為茶

其二

白蓮尋舊社紺苑問新年祇為思求友不貪利涉川

探囊出佳句下榻對枯禪春事知何處寥寥花柳前

其四

儘教十室隣門掩不緣塵苑樹寒籠曉階苔暗長春
片雲懸戶牖一水隔城闈縱有高軒客罕逢同社人
余在世肅家田子章見過且有佳餽席上分韻
得廬字贈之聞是日將有會城南以雨不果

誰舍習池宴來遊江雨餘杯尊留舊好風日敞新居
金錫山雲耳青衿春草如坐逢君見損烏有待吾廬
與孝秩過子琴御風樓得人字

東山未歸錫一水覓伊人構理心俱遠憑高興轉新
風烟藹千里春浪繞三津同是逍遙侶冷然此可親
清玄道設茶見招席上共賦得花字時清明前
一日也

苦駐比丘筏為開博士茶松風忽移境榆火正隨家
味共簋中食香蕪瓶底花不妨塵坌路只尺隔窓紗
九月十五日千佛閣賞月閣在堅田滿月寺架
立湖中詳見余記

滿月生東嶺直疑金刹開檻臨千頃敞波拍九霄回

赤水珠堪索絳河槎或來自知方外興非復謝莊才

其二

秋風四十載滿月此宵遊佛閣憑空起娥宮接水浮
金光架底涌壁影軒頭流徙倚乾坤外悠然萬事休
十月一日雨後過子玄

杖屐艱泥濘龍鍾暫此依幽篁侵戶冷殘葉近窓飛
榻下談逾久爐開坐始圍清齋何所給露摘有葑菲
哭太田醫生訃至時余偶閱世說傷逝篇
窓頭讀傷逝忽爾感中心俛仰浮雲變徘徊白日沈

六徵雖有術，豎遂無禁祗。說醫王道宜，須彼岍尋。
宿踞尾北村，氏乞言因贈以此。

五畿稱巨室，是處賁丘園。丹葉秋猶在，鐵蕉霜且存。
齋幽宜秉燭，茶熟當開樽。蕭瑟檐間，兩都忘車馬喧。

其二

神功駐蹕處，仁德陟方邊。地控千年氣，家兼萬頃田。
市塵無染素，茶味可參玄。永夜間相對，山鐘隱隱傳。
白屏風為孝秩題。

寂寞一踈屏，無人闕戶庭。繪功非所後，絲染未曾經。

帟襖寒相擁，素琴對自聽。任他嘲尚白，長倚子雲亭。
城東僑居惟宜上，人膺竺二禪。同時見訪

盍簪當此夕，星彩動寒空。交態綈袍外，歡情篋食中。
雙珠臨草迳，一乘出花宮。歲晚閭閻底，不渝結社同。
聞中携饌具，見訪賦謝。

索莫孤栖隱，誰為同病憐。市中非豹霧，社外也龍泉。
午飯開榭暖，山羹舉案連。清齋何以報，茶苻向君煎。
元日登東岩，歲過本雅上人房。

一路通千壑，林頭旭日明。雪餘山屐過，風冷野禽鳴。

改歲雲霞色殘年岩穴情枯藜叩僧舍梅蕊似相迎
五天盆栽梅接以二種紅白俱花諸公有咏余
亦寄題

芳樹分還聚人工自後天蛇非斬白帝鸞或續朱絃
忽見瓊瑤合肯容桃李妍映將窓下色麗漆在誰邊
春日過子琴携詣羅漢院日將午子琴苦邀再
至有佳供賦贈時席上瓶花紛落可愛

提携石橋路倩得御風人只尺隨禪度半千拜應真
杖旋毘舍室窓散晏陀春復此逢王膳非關飢國臻

初夏世肅見訪留遊數處有詩酬之

洛北雲栖處亦知情不遐大原尋古刹小野問殘花
為汲烏溪水俱嘗免道茶非君過三徑草莽日從遮
春江和尚見招佳饗同諸君賦得六魚庭有一
井名西來泉沸溢太清

誰料踈狂客論交此衍如西來尋水脉東道向山居
珠樹毫相外鼎茶禪悅餘清齋足佳給日夕且躊躇
又得八齊

教遊消夏日綠樹遠堦低玉版元禪味金爐自靜栖

林園留舊好山水入新題為爾憐閒散且容愛客携
席上次大溪上人韻

佳期長夏日並座對清陰巢燕檐間語山蟬樹裡吟
遠逃非異服逸興好同襟所以忘年好不遠白社心

題藤村氏茶室

老去甘閒事日將茶鼎親雲生疑岫近風起似松隣
碧蘚窓陰舊紅花室內新幽居依寶刹愈覺遠囂塵
余借河野生齋頭住數日盖有所業也生為挹
清泉煎高雄茶給之贈以此詩河野生業醫

何處容逋客風流有若君芳非雙井異清亦上池分
碗面浮山味爐頭起岫雲投閒多喻適非必故離群
聞南禪荷花盛開往觀贈同侶

非關尋上寺情著一池蓮境入雲形迴氣曰風性傳
紅襟承露鮮白羽出波懸此日携朋好徜徉異昔年
其二

濯濯池頭色君看出淤泥瑤英半開落翠盖自高低
兜率名元勝芬陀喻不迷東林閒晝漏相送共過溪

禪月集日本國有三寺上寺名
兜率中寺名浮土下寺名祇上

訪神洲和尚在テ金福ニ養病見其高作テ次韻ヲ為贈
偶訪毘耶室相看レ不二心林風秋瑟瑟塔樹晝陰陰
邂逅逢煎茗徜徉共解襟也知高臥日山水幾成吟
和尚見和セ再用其韻時春江和尚亦至ル

新涼過雨後秋興問高吟初地縈迴遠祇林鬱密陰
雲泉從爾好風月入誰襟况有隣相善同知物外心

初秋同神洲春江二上人集清賢精舍分韻得

七陽

松門村落傍深啓遠公房竹樹搖風爽盤飧駐客長

孤雲一錫影明月雙珠光座上無心雜悠然到夕陽
又得九青贈院主若虛

保社知君近相看眼却青詩從三品進歌欲六時聽
淨刹堪遺世清秋且聚星也知香積界不使俗人經

宿白雲寺

西山寂高頂古刹白雲幽萬壑寒風轉千峰皓月流
秋聲驚澗戶夜色滿岩樓寂歷中宵後疎鐘到枕頭

憇清瀧山店

巨石橫溪水水容匯似藍開亭臨曲岸煮茗挹澄潭

人影橋頭度禽聲樹裡含山中明霽日一半入烟嵐
余僑居洛東聞中過山端舊房折菊花數枝來
看有詩酬之

東籬凡幾種春雨向曾栽三徑人誰過九秋花自開
幽香和露折佳色併詩來陋巷終何興也憐時物催

閏九月麗王見訪余僑居席上有詩次韻

慚愧人間住孤生與世浮豈圖還命駕曾是遠乘舟
書劍名都際餅盃陋巷頭非君歌楚調秋後更堪秋
秋杪遊圓光寺神洲和尚適來遂携共歸邀過

其房則又遇大溪師至留談移時卒有斯作

青山雖獨往到處有將迎已悅清言合却携餘興行

雲林寒水響月露候虫鳴復此逢同社淹留欲二更

聞中與同侶自勢至屬余有客暫就隣房乃促

客去使延接之則云已適山端矣悵然而賦

杳杳金環去西歸屈指非豈圖新雨日先扣故人扉

剛道衝泥到胡為下榻遠斯須碧雲合悵望且依依

送若虛師之江戶

一錫翩然起詎堪千里勞鄉山遠白社驛路送緇袍

寒日芙蓉雪朔風滄海濤即逢東道好誰聽楚音操
默處將西歸見訪時聞中亦有東遊之志俱感
邂逅分韻而賦得西字
雲水逢何定悽然白首低河梁行欲別詞賦暫同題
匹馬關山遠孤帆溟渤迷誰思獨栖者愁夢在東西
又得來字時默處吹笙
盍簪仍此日莫使別情催鳳吹天風起龍團文室開
雲林吾老矣江海爾悠哉叢桂如無恙會須招隱來
送收首座歸若狹

相隨不幾日金策嘆歸歟生事觀浮世交情問索居
南天鴈過後北路雪來初便使鄉心在能忘一草廬

丁亥朔旦冬至

月且逢冬至昇平況此時夜窓知雨歇曉戶見烟披
五色媚天啟一陽堯日遲自憐衰朽後雲物也熙熙
瓶中梅花卒賦

寒梅開一室誰道逆風家陋巷無時態幽栖有歲華
春生爐上火香合碗中茶看取鷲塵近奈茲白雪花
五天見邀供給子女同之賦贈

蓮服遊精舍逢迎見爾情
流萍雖不定麗藻喜俱成
朋好林中結吟哦燈下清
青春君自愛慎勿負平生
宿子承家有詩言同棲
山端時事次韻
一亭臨淶水不減竹樓間
征鴈開窓外長松倚檻間
清談把茗碗偶坐忘塵寰
禪子元無住勿言興盡還
聞秋卿從藩君之江戶
遙有此寄
東道何年別况聞東更東
不為携手別且得寄書通
立馬看峰雪披襟對海風
由來香社好寧向世塵空
戊子五月九日屬余五十
初度泊不為送唯有

聞中稱壽偶子琴自浪華至懷詩及佳貺見賀
感愧率賦不復論調

千金何用壽搗蒸比雙南
只有茶為熱曾無酒作酣
殘生雖豁窳良會足離參
乞已針食在非君寧可堪
席上分韻得栖字子琴彫印見惠因併言謝
九陌塵鷺裡一枝且自栖
尋盟思舊社覽揆入新題
蓬矢青雲負荷衣白首低
借將秦篆色偈頌得全提
慈雲邀子琴食笋

十年離舊苑此日此逢迎
庭少青松偃園多綠竹生

不能止鳳實聊作烹龍羹一味慚蔬筍空勞命駕情
九日與希高龍山登高

逸興登高去迢迢不記程清秋千里望佳節一丘情
路轉郊原出林空瀑水鳴儵然何限思落日九重城

其二

九日龍山上同遊偶爾期金尊無宴設烏帽有風吹
華髮終何事蓬心只自知登高未成賦徙倚暮鐘時

移居白河橋希逸稚明為經營之賦示

雲蹤鴨水東也藉拮据功徑似羊求從理如支許通

相謀雖異道且喜自同風少壯君無廢待看步轉工

子承稚明占居隣並賦示

應言鴻鵠志慨不在雞群千里遊非倦一寒情可分
祇須淡似水莫學翻為雲洛下多名教欲從禪社聞

九月晦日携希逸還山端舊房作

相攜十里路為啓葦門幽碧艸荒三迳黃花送九秋
間來仍杖屨到處自林丘披對同袍在吟詩好暫留

詣山科准后宮道龍山途中作示希逸

雖向朱門去猶將碧荔親清晨侵霧露古道涉嶙峋

虛谷唯聞鳥空林不見人行行溪澗轉濺濺洗凡塵
浪華福氏邂逅孝秩得人字

盈盈間澱水邂逅那能頻膳飲從它席詩歌豈異人
窮交仍白社道跡且紅塵誰謂儒衣外摩尼映共新

又得緣字

豈少緇林共閭闔却入禪論交元尚淡問字遂歸玄
可見蓬風轉也關萍水緣清閒留半日似在竹房前

惟宣上人膺竺二禪見過得同字

荒涼山院日那得三車同一徑開林雪千松合谷風

隱非支道買詩似惠休工白屋將何給多君興未窮

庚寅元日

清晨禪誦罷旭日透疎櫺臘雪兼頭白春山入眼青
池揚稍將發谷鳥自堪聽歲事無入訪松篁永日局
初春惟宣上人見訪屬風雨甚賦謝

歲事思新舊交情且不孤青油耐風雨白足奈泥塗
天晚忙迎送家貧笑有無多慚林壑遠勞爾問潛夫
將赴江及勢希高希逸見招得勞字

三春江海別暫此負緜袍留客清齋給懷人遠道勞

八雲林希

客間山雨過日永野禽號况見墳簾和歸來又幾遭

咏栗餅栗蒸而搥之令薄片為圓形而有斑蓋

甲斐名製也

何處棘蓬辭團圓在一槌月中天桂散鏡裡霧鬢隨

裁似漢宮扇坦如周道砥也須陶酒側留與九齡兒

過如意山賦得舖海曉霧一合俗名舖海

回首長安曉俄然海色開沙村時遠近絕鳴乍徘徊

風訝潮聲起樹疑帆影來不須宗慙興直欲擬浮杯

早羨石部值雨分上白皇

郵亭夜來雨杖笠冒東風雞叫瀟瀟外林寒滴滴中
溪沙涉淫浸關路入冥濛攬勝前途在未言阮籍窮

宿鈴鹿坂夜雨偶作

仲春雷發聲午夜旅魂驚急雨連檐滴飄風滿壑鳴

尚思侯服地曾勸將軍名鈴鹿關安在千秋孤客情

自守治橋沿溪南行數里於數公交對翠嶺中

蒼山隨一水步步轉幽哉澄瀟魚爭集斷崖花自開

林間遙曳練石罅忽成雷何處樵歌起兩三向渡來

秋夜子承見過有詩次韻

小雲棲稿

卷二

卅三

忽聞楚響到空谷以何酬林靜鐘聲徹池寒樹影浮
山雲含月合禪榻剪燈幽但坐瓶中茗足娛方外遊
雲山送子承歸石見
天涯指鄉國分手太忽忽世態行藏外交情聚散中
何年負笈到此地論文同無奈高堂上難令彩服空
梅叟師自江戶歸見訪旋又東行云於江邊修
復一寺又書寫大般若經賦送之

松月三年別遠遊何處隣貝多文自寫練若境方新
白社還思舊緇衣那染塵只言行化去千里未疲津

與孝秩百鍊井子直舟遊城東得時字

扁舟遠城去逸興樂於斯細雨逢前過遙岑權外移
論文容舊好舉酒有新知萍水難分手徜徉此一時

仲夏過養先師房

誰道囂塵近柴門鎖自關萍交兼淡水琴意入高山
竹動清風至簾垂白日閒相迎有禪悅乘興不知還

過禪林寺觀楓

丹楓望何迴枉路入空門葉葉含清露紅紅帶霽暎
遊遊無俗侶還往只山村思服高人跡吾身病也存

永觀律師有病
吾善知識之語

准后入道親王賜瓶菊賞之累日終薨而冷
之戲名曰梁園菜曰咏

梁園多少種也入鉢釘清冷異湘江落把同彭澤盈
九花毬乍解五綵線還明風露猶然衰餘香嚼不輕
逃虛寮與希高希逸同賦得裁字時待安之不

絳鉢灣沱飯綠茶沈澹杯窮交誰得結雅思爾能裁
座似三伊點人如二妙才猶言有相待天晚且遲回

題松風齋

亭亭碧松樹清韻入齋幽龍影三更月鳳鳴千壑秋
孤標從物外餘響向爐頭一自佳名得長將法臘由
維宣上人子玄五天見過得同字

無恙東林社三車復此同不緣園圃采爭奈鉢釘空
爐茗消中日瓶梅座上風詩歌聊玩歲何處問窮通
自度會還洞津重問秋卿留宿

孤情何處群東道獨逢君春換庭前樹錫飛津上雲
交歡重下榻風雅細論文更有岫山意欲隨玄度聞

其二時余脚疾作先投崇福而不遇

鳳題空過處鵲噪此迎時千里愁衰疾三春感別離
碧雲行已暮青眼去還期談柄元難盡更籌轉易移
遊貝塚贈新生兄弟因有憶其先人

舊遊空屈指金錫重茲來為見聯珠映稍忘聞笛哀
逢迎且彌日詞賦欲登臺好事非多暇風流識爾才
舍西田氏數日賦贈主人

新知如舊識偃息一堂中杯渡元無定襟期且得同
閒情成咏好清理入談通寂寞爐烟外囂塵只尺空

宿理即院贈聞中

萍蹤無處西竹院認曾遊徐榻懸猶在趙茶供且留
十年空屈指千里幾回頭邂逅攜餘興孤筇復賸投
與聞中瑞陽同遊慈照寺

共著東山屐不嫌風雨來紅楓迎客好青嶂傍人開
懷古攀銀閣忘塵步碧苔誰知萍水遇遊興此能催
鹿苑寺亭上次五天韻

每曰風景好更喜不離羣共得山中趣長忘世上氣
情閒堪樂水心遠可怡雲佳席移厨帳留歡未覺曛

計開曉發住吉赴泉途中見雁過海上偶憶唐人遠
寄回雁入寒雲句因以為題
何處嗷嗷起回頭望雁群昨棲蘆荻月今渡海濱雲
影背朝陽遠聲含宿霧聞自憐飄蕩者心迹若為分
希高席上同諸子賦得啼字時余將之勢
遲日閒庭色開遙此共携雲山修舊好花柳入新題
冰解泉還響春融草欲齊心期元不爽休作別離啼
洞津逢人遺橘子遂懷以詣君孝為餽
千年曾錫貢移種日東濱未改江南性還成席上珍

劈開金顆馥迸出玉漿新也好懷相遺青黃向楚臣

八月十四日雨新生兄弟邀遊琴泉館

翛然乘雨屢逸興爾何孤疎樹含雲霧啼蛩起草蕪
清秋悲外過流水志中殊相對雙珠在不愁明月無
西至中約同遊龍谷山連雨不果至中有詩見
眎盛叙其勝為和之

龍谷傳名勝青山擁梵臺金繩三水遠珠閣千秋開
空負登高意徒憐作賦才何當共携杖一望俯崔嵬
癸巳元日時余復歸慈雲

王春分玉曆翻向舊房開庭竹條風度樓鐘殘夢回
鏡中今歲雪籬上昔時梅步屨深林曉不妨一徑苔

人日作

禪房值人日老境入蛇年竹覆千竿雪爐生一穗烟
蓬心雖自轉橘性向誰遷待取東郊暖杖藜花柳邊

送龍門和尚住鹿苑東觀

千年開寶刹偏賴大檀存法服從朝禮時袍奉主恩
丹崖懸棧道綠樹倚雲根此去多遊攬那須愴別魂

五言排律

九日歸京舟中作

閒居無所卜來去一扁舟此日登高興翻為擊汰遊
斷雲低遠野泛鳥下清流兩岸蒹葭晚孤村砧杵秋
野童追社鼓行客和漁謳碩眎移山岳溯回轉渚洲
澄江茶可煮佳節酒無酬明旦東籬菊猶堪衰露求

移居戎洲

百年韜晦地潦倒異方尋閱世皆川逝達生豈陸沈
非關晏嬰市詎識鄭崇心鳥雀窺檐隙徑蹊通竹陰
塵埃元下界偃息即中林新月窓初啓舊壇霜已侵

南園閒隱元西海杳披襟不用蓬蒿沒那嘗輪鞅臨
冬至集世肅宅屬時中有石見之行孝秩承明
百年不能來會余亦送時中而後至季安左生先在
座余始見之分韻風字。

寒城傳擊柝永夜擁披風文史三冬用蒹葭一水通
杯含洞庭色詩奪漢宮工世故陰陽外交情聚散中
何憐萍梗遇還使苾芻同此夕新知樂德星未謂空
送默初奉師命暫歸小倉詣乃祖塔
故人鄉國往臨別乞予言千里祗堪指寸心那可論

偏衫侵朔雪孤帆背朝暎正屬蘋蘩薦兼銜桑梓思
才因前躅著名豈舊時存直作長天月東西去不痕
壬午正月始謁伊勢皇太神祠

太古開皇統神明鎮在茲邑居知舊俗民物屬豐時
五瀨東南勝千秋內外祠白茆林表肅碧水潭頭移
海國春生早山雲日出遲流風嫌道侶振動隔門楣
密跡誰能識妙權吾自期野僧無所薦澗藻暖將滋
山端道旁有溝水作陰樋取之庭中為溪為池

聊題短句

青山通一水，庭院引筒來。略約過成岫，連漪潑作隈。
泠泠沙上去，泱泱石間迴。涼影搖松桂，寒陰浸薜蘿。
朝斟灑堦砌，夕取灌栽培。雨渡疑龍躍，月沈訝蚌開。
居然考盤矢，豈曰濟川才。激澗詩相若，用謝靈運詩臨流
志遠哉。用仲長統論清狂思洗幘，浪跡想浮杯。魚共濠梁
樂，人非楚澤哀。幽襟從恬淡，小苑遠氛埃。猶道琴中
趣，誰為鍾子推。

咏御所柿

吾邦柿子蓋勝中華，為種太多而方柿名御

御所者為寂上品

新果綴層枝，紺園秋正宜。金津調露熟，赤玉向晴垂。
採摘膚非爛，剖分核自離。甘香充法喜，服食笑玄滋。
那數中山栗，寧多太谷梨。日東多品種，御所獨堪推。
世肅宅夜集咏瓶中紅白梅

今年花太晚，二月向瓶看。綽約朱脣解，離披玉蕊殘。
幽香移自動，清露折將乾。魏國元嫌粉，石家故貯珊。
翻疑碎來斗，更問煉成丹。洛北曾凝雪，江南尚怯寒。
不須隴信送，勿使春心闌。衰髮臨堪愧，醉顏映可寬。

以瓊君各得為絢我何難此夕休吹笛羅浮夢賴安

螢

黃梅饒雨氣處處散飛螢風外飄斜度叢間熠暫停

高低過院落明滅透窓櫺將曉沈隨月未秋流似星

曾疑守耿耿亦類遊冥冥為怕兒童撲逐爾去林垌

世說講罷惟宣上人將諸子邀余萬氏水亭見

響分韻得生字

江左風流後千秋復此盟尚玄遺外命講理愜中情

坐耻王劉聽行推斌亮名娛非弋釣具賦入宮商聲

裴筓偏宜就郇厨故自盈同遊共陶寫山水得斯生

孝秩茶室同岡生賦得諧字

市井元非往薄言君子諧高談從茗熟逸興入詩佳

儒服仍交態僧伽亦雅懷風流吾道並汨沒世人皆

可見禪枝宿不將玄草羞客時問字至座心圍爐排

宛是琴書側恍如泉石涯松濤鼻中起誰復犯清齋

孝秩設茶見招與子章承明同至主人指瓶中

梨花乞詩共賦得韻墻字

愛客乘春興言窺夫子墻室中留雪色瓶底閱年光

冷艷紅爐外清芳玉饌傍將同破顏者兼訝探花郎
不待東風定還從北焙香非徒供雋永欲寫入新章
南都猿池旅館早起口號時余有姊之喪往展
其墓
梵鐘鳴幾處風物入晨興鴈塔秋雲敞猿池曉影澄
故都餘感慨烟樹接峻嶒獨往隨麋鹿孤吟少友朋
滾滾叢草露寂寂古龕燈死別情難已行程病且能
禪心誰罣碍人事或侵凌三笠山頭月何時引可登
悼清水郎

即名知貞近江人家世仕某氏至父罷仕來
平安為賈而即好業剗剗因知讀書汲汲餘
力挾策弗舍為人貞諒有志余輩望其有成
也一日梓余所著告成齋往書林許中途暴
蹙解其裝見有書林名於是送遣父聞忙趨
醫治不救掖上轎未舉而絕嗚呼哀哉歲僅
二十有二為作此詩

京國雖流寓家門自有回好文知宿習食技奉慈親
遊冶嫌年少精勤計日新苗而終不茂逝者已成陳

昔慕林中社今悲切上塵祗應真果處引爾出沈淪

咏松

青松生澗壑絕境孰揮斤紫幹幾經雪蒼髯多拂雲
半天龍影動十里鳳鳴聞岩底盤根固月前張蓋分
七株思處士三徑憶徵君桃李春來色幽心未可群

小雲棲稿卷之二

☆

